



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

42. An qui invenit chartam, in qua scripta erant alicujus peccata, teneatur illa abscondere sub Sigillo confessionis; sive jam confesso facta sit, sive adhuc facienda sit? Et an, si dicta peccata ...

[urn:nbn:de:hbz:466:1-76393](https://nbn-resolving.org/urn:nbn:de:hbz:466:1-76393)

tum penitentis ex confessione inchoatiue sacramentali, quia etiam vt directa ad ipsum interpretem est inchoatiue sacramentalis, quia medio ipso & per ipsum fit, & dirigitur ad Confessarium, & subiicitur clauibus, ac proinde reuelando peccatum irrogat iniuriam confessioni inchoatiue sacramentali, ex qua illud cognouit. Hac omnia Hurtado Complut.

3. Deinde cum hoc sacramentum sit maximae necessitatis, quod tamen interdum aliter quam per interpretem non potest institui penitentes maximum grauiam sentirent, si interpres non teneretur legibus sigilli, & id cederet in maximam ipsius sacramenti iniuriam, quod hac ratione redderetur odiosum. Ex his patet responsio ad primum argumentum. Ad secundum quod confessio per interpretem non est necessaria, non valet, quia peccata venialia non sunt necessaria, & tamen tenetur ea Sacerdos serpare sub sigillo. Vnde Ochagauia ubi supra, inchoatur contra Coninch de Sacram. disp. 9. dub. 3. assententem eos, qui sponte a penitente, & sine necessitate adhibentur ad audienda peccata non obligari sigillo.

RESOL. XL.

An si v.g. Petrus consulat ante confessionem virum doctum in ordine ad confessionem faciendam non cum illo, sed cum alio, teneatur dictus Confiliarius ad Sigillum?

Et docetur, quod si penitens virum doctum consulat, vt sciat, quomodo se preparare debeat ad confessionem, non teneri virum doctum manifestare Praelato etiam sub excommunicatione praecipiat.

Ex qua curia deducitur, quod quando obligatio regendi est tantum secreti naturalis, & non Sigilli sacramentalis, tenebitur Confessarius manifestare sub excommunicatione rem sibi reuelatam, &c. Ex part. 5. tr. 1. Ref. 44.

§. 1. Negatiue respondet Suarez in 3. part. tom. 4. disp. 3. sect. 4. num. 6. & sect. 2. num. 4. & Henriquez lib. 3. cap. 2. num. 4. & Aragon in 2. 2. 9. 3. 3. art. 7. & alij, assentes talem Confiliarium non teneri ad sigillum, sed ad secretum naturale, quia illa reuelatio non ex confessione, nec per confessionem fit, neque in eo casu confiliarius talis participat calum clauium, cum non ex confessione, neque per confessionem, sed ante confessionem sciat peccata manifestata; vnde est diuersa ratio inter hunc casum, & illum, in quo consilium petitur ab aliquo viro docto post confessionem factam.

2. Sed non desunt Doctores contrariam sententiam tenentes, & illam tenent Martinus Fornarius in instr. Confess. lib. 1. tract. 1. cap. 3. nu. 13. & Fagundez pr. 2. lib. 6. cap. 6. num. 23. vbi citat Nauarr. & rationes adducit pro hac firmanda sententia, cui ego libenter adhaereo, fauet enim magis sacramento Confessionis, & non retrahit homines ab illo, imo trahit. Vnde opinio Suarez odiosum facit Sacramentum, nam, vt optime contra illum obseruat Fagundez, quamuis huiusmodi Confiliarius nec ex confessione, nec per confessionem peccata sciat, scit tamen in ordine ad confessionem, & modo aliquo participat vsum clauis scientiae quatenus dirigit penitentem ad Sacramentum, quae quidem directio quamuis penitenti fiat, suapte tamen natura tenet se ex parte Confessoris, & ad illum pertinet quatenus director facit id, quod debuerat facere ipse Confessarius, si doctus ac prudens esset.

3. Ex his recte Medina lib. 1. c. 14. §. 36. ad finem

docuit, quod si penitens virum doctum consulat, vt sciat quomodo se preparare debeat ad confessionem, non teneri virum doctum manifestare Praelato, etiam si sub excommunicatione praecipiat, quia est via ad confessionem, quod est dicere teneri ad sigillum confessionis, nam si obligatio tegendi esset tantum secreti naturalis, & non sigilli sacramentalis, tenebitur Confiliarius manifestare sub excommunicatione rem sibi reuelatam, secretum enim naturale non obligat cum damno alicuius, quando autem Praelatus praecipit sub excommunicatione, vt sibi res reueletur, ideo praecipit, quia damnum affert, sibi, vel aliis.

RESOL. XLII.

An, cui reuelata est iniuste confessio a Confessario, teneatur celare illa peccata manifestata sub sigillo? Et an omnes alij, qui ab isto, qui a Sacerdote audiuit, audierunt, & alij ab istis, & isti ab aliis; siue mediate, siue immediate; siue licite, siue illicite audierunt, omnes teneantur ad Sigillum confessionis? Ex part. 5. tr. 1. Ref. 7.

§. 1. EX Medina respondet negatiue Onuphr. Opusc. de sigillo, sect. 3. q. vn. dub. 6. docet enim eum, cui iniuste titulo reuelatur aliquid ex confessione, non teneri ad illud celandum, nisi secreto naturali, quia illa cognitio, quam habet is, cui iniuste facta est reuelatio, non est per se, & immediate ex confessione sacramentali, sed omnino extra Sacramentum. Ergo non potest obligare nisi ad secretum naturale, non ad sacramentale, quod solum pendet ex confessione sacramentali.

2. Sed prolixius contrariam sententiam tenendam esse puto cum Maldero tr. de sigillo, c. 13. Fagundez pr. 2. lib. 6. c. 6. n. 26. Suarez in 3. p. tom. 4. d. sp. 3. 3. sect. 4. num. 6. & sect. 5. num. 8. Toledo lib. 3. cap. 16. n. 13. Piti-giano in 4. sent. tom. 2. dist. 21. q. 2. vt. 5. Turriano de penit. disp. 33. dub. 1. Valboa de Mogrouiejo tom. 2. lect. Salmar. in cap. omnis viri, & de penit. & remission. num. 67. Maratus in D. Thomam, tom. 3. tr. de sacram. Penit. disp. 32. sect. 2. n. 2. Marchantio in resol. Pastor. de sacram. Penit. tract. 5. cap. 5. q. 3. & Ochagauia de sac. tr. 3. de sigillo, q. 2. n. 2. vbi sic ait: Si Confessor inique reuelet alteri confessionem, omnis ille, qui audit, & omnis ille, qui habet notitiam comparatam ex confessione, mediate, vel immediate tenetur sigillo, quia notitia confessionis transit ad omnes cum onere sigilli, ne iniuria fiat Sacramento, & ne molesta reddatur confessio. Ita ille qui citat Syluester. & Nauarr. nec aliter sentiendum esse puto: vnde recte Fagundez ex supradictis Doctoribus ubi supra, etiam asserit: Omnes alij qui ab isto, qui a Sacerdote audiuit, audierunt, & alij ab istis, & isti ab aliis tenentur ad sigillum, iuxta allegatos Doctores. Quamobrem recte colligunt hanc vniuersalem & certam regulam, omnem notitiam comparatam ex confessione vt sic, siue mediate, siue immediate, siue licite, siue illicite comparata sit, manere sub sigillo sacramentali nam sicut Confessarius non habebat ius reuelandi, nec illi qui confessionem audierunt, ius audiendi, ita non possunt illud iuste ad alios transferre.

RESOL. XLIII.

An qui inuenit chartam, in qua scripta erant alicuius peccata, teneatur illa abscondere sub Sigillo confessionis, siue iam confessio facta sit, siue adhuc facienda sit?

Et

Sup. hoc sup; in Ref. 33. §. vlt. v. Quinto cum.

Sup hoc sup; in Ref. 37. §. vlt. à fin. c. v. si con todo, & in fine Re. solut. 38.

Et an si dicta peccata vergerent in damnum commune seu alicuius innocentis tertij, teneatur in tali casu reperitor Charta illa peccata revelare ad auerendum tale damnum?

Et si reperitor supradictae chartae moraliter certus sit non nisi leuia, & non infamantia peccata in ea esse ideoque curiositate legat, vel lecta aliis euulget, an debeat confiteri peccata moraliter, sicut Superior, aut Index, qui inuenta schedula peccatorum alicuius vellet contra illum inquirere, vel tantum peccet venialiter? Ex part. 3. tr. 4. Ref. 111 alias 112.

Sup. hoc in Ref. leg.

§. 1. **T**eneri dicta peccata abscondere sub secreto naturali, non autem sub sigillo confessionis, docent Suarez 10. 4. disput. 3. sect. 4. n. 5. Coninch de Sacram. disp. 9. dub. 4. n. 50. Layman in Theol. mor. lib. 4. tract. 6. cap. 1. §. n. 19. Henriquez lib. 3. de penit. cap. 20. num. 2. & in glossa lucra M. Megala in 1. par. lib. 1. c. 16. n. 7. Onuphrius opuscul. de sigillo confessionis. sect. 3. quae. unica. dub. 6. fol. mibi 2. 8. & alij penes ipsos. Et ratio est, quia etsi peccata illa descripta fuerint, aut sint futura materia remota confessionis, tamen non sciuntur primò & immediatè ex sacramentali confessione, sed omninò ab extrinseco. Ergo non cadunt sub sigillo confessionis. Vnde ex his apparet, quòd si dicta peccata vergerent in damnum commune, seu alicuius tertij innocentis, teneretur in tali casu, vt notat Layman ubi supra, qui dictam chartam inuenit, illa peccata ad auerendum tale damnum revelare, nam secretum naturale, vt patet, non obligat cum damno alterius.

2. Sed ego contrariam sententiam sustinendam esse puto, & ita docent Fagundez praecip. 2. lib. 6. c. 5. n. 16. Delius in disquis. magis lib. 6. cap. 1. sect. 2. Grassius Vega, Vivaldus Nauarra penes ipsos Idem etiam docet nouissimè Homobonus de exam. Eccl. part. 1. tract. 5. cap. 21. quae. 1. 12. Zanardus in direct. confes. part. 1. de sacram. Penit. cap. 29. dub. 3. Rodriguez in summ. 10. 2. c. 5. n. 4. Berarducius in summa corona, part. 1. cap. 3. n. 17. & Malderus tract. de sigillo confess. c. 13. vbi sic asserit. Qui inuenit descripta penitentis peccata, quae litteris mandauit forte memoriae causa, vt ea exactius confiteatur, teneat sigillo, siue iam confessio facta sit, siue adhuc facienda sit. Communis Doctorum ratio est, quia charta istius tenor est aliquid confessionis, & quasi confessio scripta, vt equiparari possit charta illa modo, quo quis casu audit confessionem. est enim charta illa quasi interuentia iurans memoriam confitentis, itaque censetur sigillata facto sigillo. Ita Malderus, & rectè quidem; nam charta illa dici potest confessio inchoata: & si peccata illa sint confessio iam effecta. Ideò firmius dicere possumus, cadere illa sub eodem sigillo, sicut illa, quae aliquis reuelauit mihi ex dicto Confessarij vel ex articulatione confessionis. Et licet pro contraria opinione adsint DD. tamen nostra est amplectenda, quia favorabilior est Sacramento.

3. Notandum est hic obiter, Layman in Theol. mor. lib. 4. tract. 6. cap. 1. §. n. 19. asserere, quòd si dictae schedulae reperitor moraliter certus sit, non nisi leuia, & non infamantia peccata in ea scripta esse, ideoque curiositate legat, vel lecta aliis euulget; non debet confiteri plusquam venialiter peccasse, quia non violauit sigillum confessionis, sed tantum naturale, cuius obligatio ob materiae paruitatem minuitur. Ita ille. Sed ego puto ita facientem peccare mortaliter, & frangere sigillum confessionis, sicut Superiore, vel Iudicem, qui inuenta schedula peccatorum alicuius, vellet contra illum inquirere, & punire. Vide Fabrum in 4. sent. disp. 19. quae. unica, disp. 34. cap. 4. num. 88. Reginaldum in praxi, tom. 1. cap. 3. num. 30. & alios communiter.

Sup. hac schedula lege §. Vnde Ref. praeritae annot.

RESOL. XLIII.

An qui inuenit papyrum, in qua erant peccata alicuius scripta teneatur ad Sigillum confessionis, siue confessio facta sit, siue adhuc facienda sit?

Ex quo solui possit, quid dicendum sit de illo, qui reperit libellum, in quo scripta sunt peccata alicuius?

Et quid, si charta scripta sit ad virum doctum ad petendum consilium pro confessione?

Ex quibus etiam sequitur, quòd si index inuenisset peccatum rei schedula commendatum ad confessionem faciendam, teneatur index cessare ab inquisitione criminis, & non iurare ex illa notitia: imò etiam si iam reum condemnasset convictum testibus, & postea intelligeret totam delationem vel accusationem ortam fuisse ex sigilli violatione; teneatur damnatum absolueret, & dimittere. Ex part. 5. tr. 11. Ref. 27.

§. 1. **N**on teneri dicta peccata tacere sub sigillo, sed sub magno secreto naturali, docet Tannerus tom. 4. disp. 6. quae. 9. dub. 6. n. 1. 3. Sotus de secreto, quae. 4. dub. 3. num. 3. Bañez in 2. 2. quae. 3. 3. artic. 8. dub. 5. conclus. 2. Valboa de Magroicujo 1. 2. lib. Salmat. in c. omnis vtriusque sexus, de pan. & reuision. n. 6. 5. Maratus in D. Thomam 10. 3. disp. 3. 2. sect. 2. num. 4. Marchantius in resolut. Pastor de Sacram. de Penit. cap. 4. §. 4. Raynaudus de Monitor. part. 1. 3. quae. 4. Nauarra de reuision. 1. 2. cap. 4. n. 4. 50. Ochagauia de Sacram. 3. de sigillo, quae. 2. n. 2. Granado in 3. part. de Sacram. controuers. 7. tr. 11. disp. 4. n. 1. quia illa charta non erat confessio, sed via ad illam Et ideo haec sententiam tenet Onuphrius opuscul. de sigillo, sect. 3. quae. unica. dub. 6. vbi sic ait: Ex his solui posse quòd sit dicendum de illo, qui reperit libellum, in quo sunt descripta peccata alicuius, dicimus enim illum teneri ad celandum, quae scripta peccata reperit, non illa sacramentali, sed secreto naturali. Et ratio est, quia etsi peccata illa descripta fuerint, vt sint futura materia remota confessionis, quia tamen non sciuntur primò & immediatè ex occasione sacramentali, sed omninò ab extrinseco, ideo qui sic reperit libellum illum, non videtur posse ligari, nisi solum naturali secreto ad ea, quae descripta reperit, celanda, non secus ac si quis peccatum alterius sciret alter, quam per confessionem. Vnde sequitur grauius quidem illum peccaturum, si deinde cum alio loquatur de illis, quae sic descripta reperit in libello, et Soto ubi supra.

2. Mihi verò magis placet opinio affirmatiua quam docui cum multis Doctoribus in 3. part. tractat. 4. resolut. 112. quibus nunc addo Martinum Penes in speculo moralis, part. 1. cap. 8. num. 8. Facitum de sacram. Penitent. lib. 7. quae. 29. Fornarium in Instr. Confessar. lib. 1. tract. 1. cap. 3. numer. 13. Grassius de decis. an. part. 1. lib. 1. cap. 23. num. 43. solida rationes pro hac sententia afferentes, quas omninò videbis; vide etiam Marchinum de peste, part. 3. cap. 11. num. 14.

3. Vnde ex his sequitur, vt optimè obseruat Fagundez praecip. 2. lib. 6. cap. 4. num. 28. quòd si index inuenisset peccatum rei, schedula commendatum ad confessionem faciendam, teneatur index cessare ab inquisitione criminis, & non iurare ea notitia, imò etiam si iam reum condemnasset convictum testibus, & postea intelligeret totam delationem, vel accusationem ortam fuisse ex sigilli violatione, teneatur damnatum absolueret, & dimittere & ideo non stram sententiam, nempe inuenientes schedulam in qua scripta sunt peccata, teneri ad sigillum, docet etiam Fagundez loco citato, cap. 5. numer. 16. quia si charta